



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

Q. 6. Quinam possunt ligari Censurâ?

urn:nbn:de:hbz:466:1-41032

men sit ferendæ sententiæ, ut hæc feratur, re-
quiritur citatio rei & condemnatio juridica;
nec debet infligi reo etiam convicto & mani-
festo, nisi prævia monitione, & quidem per se-
loquendo tria, ex c. 26. de appellat. Quod si
sit latæ sententiæ, ut declaretur contracta, re-
quiritur ut citatâ parte de crimine juridicè
constet.

Q. 6. Quinam possunt ligari Censura?

Resp. Ut quis ligetur Censura, ex communione, necesse est i. ut sit viator, quia hic solus est capax emendationis, subjectionis & contumaciae: quod requiritur ad subeundam Censuram. Cum autem haeretici mortui dicuntur posse anathematizari, tunc anathema sumitur pro declaratione aliquem alienum ab Ecclesiae Communione decessisse. Potest etiam in mortuus excommunicari indirecte, quatenus Ecclesia potest ad aliorum terrorem precipere vivis, ut illum sacra sepultura, publicis precibus & sacrificiis privent. Dicitur vero absolviri, dum Ecclesia concedit facultatem eum sepeliendi, & offerendi pro eo suffragia publica.

2. Ut sit baptizatus; quia nemo fit subditus Ecclesiæ nisi per baptismum. Ex Trident. sess. 14. c. 2. ibi: Cum Ecclesia in neminem judicium exerceat, qui non priùs in ipsam per baptismi januam fuerit ingressus. Quid enim mibi, inquit Apostolus, de iis, qui foris sunt, judicare?

3. Ut sit rationis usu prædictus, alias non
esset culpæ & emendationis capax. Impu-

beres autem adulti possunt ligari Censurā, & reipsā incurrint excommunicationem ob ingressum in Monasteria Monialium, ex Trid. fess. 5. c. 5. & ob percussionem Clerici c. ult. de sent. excom. Item Interdictum in totum populum. Ergo etiam alias incurrint, exceptis Censuris ab homine latis. Ebrius verò afficiatur Censura ob delictum in ebrietate commissum, & antea sufficienter prævisum.

4. Ut sit subditus ligantis, ex c. 21. *de sent. excom.* quia potestas ferendi Censuras pertinet ad Jurisdictionem coercitivam, quæ non potest exerceri nisi in subditos; subjectio enim & Jurisdictionis sunt correlativæ. Peregrinus autem delinquens in alieno territorio, incurrit Censuras ibi lata per modum statuti, ex c. 14. *de foro compet.* quia, ut alibi d. xi, per legem ini subiciuntur legibus territorii in quo versantur, ratione suæ præsentiae in illo. Si verò Censura lata sit per modum sententiae, non obligat nisi personas, quas directè respicit. Econtra subditus non incurrit Censuram latam per modum statuti, si contra illud agat extra Diœcesin ligantis, c. 2. *de constit.* in 6. nam statutum afficit solum territorium, pro cuius recta gubernatione fertur, nec extra illud obligat. Secus, si Censura lata sit per sententiam vel præceptum transitorium; nam ligat subditos extra territorium delinquentes, quia personas directè ac secundum se spectat, ideoque illas afficit ubicumque existant: in quo differt à statuto, quod spectat territorium seu

seu personas existentes in territorio. Hinc si Episcopus Clerico peregrinaturo ludum alearum prohibeat sub poena suspensionis, hic eam incurrit extrâ Diœcesim ludens; quia nempe sententia & præceptum immediatè afficit personam, eique cohæret, ubicumque sit: ita communis Suarez, Sayr. Layman, Bacac. Sc.

Q. 7. Quinam possunt ferre Censuras?

Resp. Omnis & solus Superior Ecclesiasticus, habens in foro externo Jurisdictionem ordinariam vel delegatam. Ex Matth. 16. *Quodcumque ligaveris super terram, erit ligatum in cœlis.* & Matth. 18. *Quaecumque alligaveritis super terram, erunt ligatae in Cœlo,* Sc. Ubi Prælati Ecclesiarum Apostolorum Successoribus datur potestas omnis expediens ad bonum animarum & rectum Ecclesiæ regimere, ad quod pertinet potestas non solum ferendi leges, sed etiam coercendi, corrigendi & puniendi rebelles ac contumaces, eosque privandi bonis communibus.

Ordinariam potestatem ferendi Censuras habet Papa, & Concilium Generale in omnes baptizatos, Episcopus in suos Diœcesanos, Concilium Provinciale in suam Provinciam. A Papa habent Superiores Ordinum saltem Generales & Provinciales, vel etiam Superiores locales secundum cujusque constitutiones; non item Parochi. Delegatam habent omnes & soli Clerici, quibus fuit legitimi-